

P R A V I L N I K
**O kriterijima i postupku za dodjelu naziva nastavne baze Medicinskog
fakulteta Univerziteta u Sarajevu odnosno Univerzitetske bolnice**

Član 1.

Ovim Pravilnikom se utvrđuju uslovi za sticanje statusa nastavnih baza putem unapređenja stručnog-medicinskog i naučno-istraživačkog rada kroz odgoj i obrazovanje kadrova u zdravstvenim ustanovama pod neporednom koordinacijom Medicinskog fakulteta Univerziteta u Sarajevu.

Član 2.

Medicinski fakultet Univerziteta u Sarajevu (u daljem tekstu: Fakultet) provodi dio svoje nastavne djelatnosti u saradnji sa organizacijama-ustanovama zdravstva u skladu sa odredbama Zakona o zdravstvenoj zaštiti R BiH, Zakona o visokom obrazovanju, Statuta Univerziteta u Sarajevu i Statuta Medicinskog fakulteta.

Član 3.

Zdravstvene ustanove koje ispunjavaju uslove propisane ovim Pravilnikom su nastavne baze Medicinskog fakulteta u Sarajevu uz oznaku svoje uže djelatnosti i u istim se može obavljati dio edukacije studenata medicine u oblasti uže djelatnosti te ustanove.

Član 4.

Nazive iz člana 3. dodjeljuje Univerzitet u Sarajevu, a na prijedlog Nastavno-naučnog vijeća Fakulteta, pod uslovom da zdravstvena usnova zadovoljava opće i posebne uslove propisane ovim Pravilnikom, a u skladu sa Zakonom o zdravstvenoj zaštiti i ostalih zakona.

Član 5.

Izuzetno se medicinskoj ustanovi, koja ne ispunjava opće i posebne uslove iz ovog pravilnika, može dodijeliti naziv nastavne baze Medicinskog fakulteta, uz prethodno ugovorom između te ustanove i Medicinskog fakulteta povjerenog dijela nastavnog procesa i saglasnost dva resorna ministra.

Član 6.

Nastavna baza Fakulteta može biti samo ona zdravstvena ustanova (ili njen dio) koji se odlikuje provođenjem vrhunskog stručnog medicinskog rada u praksi, koja kao svoju redovitu djelatnost organizirano, pored zdravstvene provodi i naučna istraživanja u području medicine stimulirajući naučni rad svojih radnika, koja podstiče istraživačku djelatnost i sistematski vodi brigu o unapređenju nastavno-odgojne funkcije svojih radnika, te ovoj djelatnosti daje istaknuto mjesto u okviru svojih osnovnih aktivnosti.

Član 7.

Za realizaciju dijela naučno-nastavnog procesa Fakulteta zdravstvenoj ustanovi potrebni su slijedeći uslovi:

- opća nastavno-obrazovna potreba za ljekare i druge profile zdravstvenih kadrova u dodiplomskoj i postdiplomskoj edukaciji,
- stručna djelatnost u zdravstvenoj ustanovi na savremenom nivou kao edukativna instruktivna osnova,
- najmanje 100 bolesničkih kreveta, odnosno ako se radi o dnevnim bolnicama najmanje 100 dnevnih pacijenata,
- istraživačka djelatnost u zdravstvenoj ustanovi prema kriterijima Zakon o naučno-istraživačkim institucijama,
- odgovarajući prostor i oprema za stručnu, naučnu i nastavnu djelatnost prema zahtjevima obrazovnih profila kadrova (zdravstvenih radnika iz stava 1.ovog člana),
- odgovarajuće naslove domaće i strane periodike, te više od 10 bazičnih udžbenika ili monografija iz matične oblasti struke.

Član 8.

Zbog nesmetanog odvijanja stručnih, naučnih i nastavnih djelatnosti iz člana 6. Pravilnika, zdravstvena ustanova kao nastavna baza Fakulteta putem općih akata organizovat će:

- stimulaciju nastavnog i naučnog rada (obezbjediti mu materijalnu osnovu),
- obezbjediti nastavnim kadrovima u kumulativnom radnom odnosu nesmetano obavljanje njihove nastavne funkcije i ostvarivanje svih radnih prava,
- davati pod jednakim uslovima prednost kadrovima u naučno-nastavnim zvanjima, a pri izboru u stručne i rukovodeće funkcije u zdravstvenim ustanovama, nastavnim bazama.

Član 9.

Posebni kriteriji Fakulteta o uslovima za izvođenje dodiplomske i postdiplomske nastave za odgovarajuće nastavno područje (predmet) su:

- a) Pedagoški kriteriji:
 - pedagoški standardi o veličini nastavnih grupa studenata za pojedine oblike nastave u odnosu na raspoloživi prostor, sukladno standardima i normativima u viskom obrazovanju
 - optimalan odnos nastavnika i studenata u procesu edukacije, a prema planiranim metodama podučavanja,
 - optimalan stav i odnos nastavnog materijala i situacija, te broja i veličine nastavnih grupa (broj ležećih i ambulantnih bolesnika, vrsta laboratorijskih i kabinetskih pretraga, mogućnosti posebnih oblika liječenja, karakterističnih javno zdravstvenih pojava i sl).
- b) Stručni kriteriji:
 - nivo stručnog rada, odgovarajući prostor i oprema,
 - povezivanje stručno-istraživačkog rada,
 - sudjelovanje na stručnim znanstvenim skupovima te redovito usavršavanje zdravstvenog osoblja,
 - redovito godišnje izvještavanje javnosti o djelatnostima zdravstvene ustanove.

- c) Naučni kriterij:
- garantirani uslovi naučnog rada općim aktima, prostorom, opremom i bibliotekarskom službom,
 - postojanje registriranja naučne jedinice u ustanovi odnosno njezinom dijelu za koji se traži priznavanje naziva nastavne baze,
 - visoko kvalificirani stručni kadar, među kojim bar polovina radnika sa dokazanom istraživačkom aktivnošću i bar dva radnika u naučno-nastavnom zvanju docenta ili profesora od kojih u slučaju da predložena jedinica ima 20 ili više visokoobrazovnih saradnika , 10 mora zadovoljiti kriterije aktivnog istraživača*, a bar trojica moraju biti u naučno-nastavnom zvanju docenta ili profesora,
 - realizacija naučno-istraživačkog projekta, samostalno ili u saradnji sa Fakultetom.
 - 10 uposlenika sa doktoratom nauka,

Specifični kriteriji pojedinih nastavnih baza, tj. elementi vrednovanja rada u odgovarajućoj struci sastavni su dio ovog Pravilnika.

Član 10.

Postupak za obnovu dodjele naziva nastavne baze Fakulteta može pokrenuti ona zdravstvena ustanova (ili njezin dio) za koju je odlukom Nastavno-naučnog vijeća Fakulteta utvrđeno da ispunjava uslove za provođenje nastave i kojoj je Fakultet, kroz najmanje 5 godina, provjerio provođenje dodiplomske i postdiplomske nastave iz odgovarajuće matične oblasti Fakulteta.

Član 11.

Prilikom pokretanja postupka, zdravstvena ustanova dužna je svoj zahtjev obrazložiti prema uslovima i kriterijima ovog Pravilnika, te o tome dostaviti potrebnu dokumentaciju.

Fakultet će povjeriti ocjenu opravdanosti ovog zahtjeva odgovarajućoj komisiji Nastavno-naučnog vijeća koja je dužna provesti postupak i dostaviti svoj prijedlog Nastavno-naučnom vijeću u roku od 2 mjeseca.

Senat Univerziteta donijet će konačnu odluku o priznavanju nastavne baze u narednih 60 dana.

Član 12.

Nastavno-naučno vijeće osnovati će radi analize zahtjeva za priznanje naslova nastavne baze posebnu stručnu komisiju koja će pismeno izvjestiti Vijeće o ishodu svog rada i obrazložiti svoje mišljenje na osnovu:

- postojanja nastavne potrebe pedagoških uvjeta,
- uvjeta naučno-istraživačkog rada,
- nivoa stručnog rada kao osnove za dodiplomsku i postdiplomsku nastavnu djelatnost.

* Pod aktivnim istraživačem podrazumijeva se pojedinac koji je u proteklom srednjoročnom razdoblju ostvario nivo naučne efikasnosti i efektivnosti tj:

- objavio bar jedan naučni rad u kalendarskoj godini ili
 - objavio jednu monografiju, odnosno knjigu u tri kalendarske godine ili
-

- da je rukovodio realizacijom barem jednog istraživačkog projekta u posljednje tri godine.

U naučne radove ubrajaju se: izvorni naučni rad, prethodno saopćenje

Član 13.

Naziv nastavne baze Medicinskog fakulteta Univerziteta u Sarajevu dodjeljuje se na vrijeme od 5 godina, a potom podliježe reizbornosti.

U slučaju da nastavna baza gubi uslove za dodjelu naslova nastavne baze ili se ne pridržava bitnih odredaba Zakona i ovog Pravilnika, Fakultet će pokrenuti postupak za oduzimanje dodijeljenog naziva i prije isteka roka iz stava 1. ovog člana i o tome na odgovarajući način obavijestiti Univerzitet i resorna ministarstva BiH.

Odluku o oduzimanju naslova donosi Senat Univerziteta na prijedlog Nastavno-naučnog vijeća Fakulteta.

PRELAZNE I ZAVRŠNE ODREDBE

Član 14.

Ovaj Pravilnik smatra se usvojenim kada ga na prijedlog Nastavno-naučnog vijeća prihvati Dekanat Medicinskog fakulteta.

Član 15.

Izmjene i dopune ovog Pravilnika izvršit će se na način i po postupku propisanom za njegovo donošenje.

Član 16.

Ovaj Pravilnik stupa na snagu u roku od 8 dana od dana prihvatanja od strane Dekanata Fakulteta.

USVAJANJE PRAVILNIKA

Na osnovu prijedloga Nastavno-naučnog vijeća sa sjednice održane 12.10.1992 godine, Dekanat Fakulteta je na sjednici održanoj 17.10.1992. godine donio je odluku o prihvatanju ovog Pravilnika

Prof. Dr Nedžad Mulabegović
D E K A N
